
Saksnr: 2020/75523-7
Saksbehandlar: Merethe Jenny Helland
Nordnæs

Saksgang

Utval	Utv.saksnr.	Møtedato
Klagenemnda		08.12.2020

Klagesak. Klage på vedtak - Leige av offentlig areal til uteservering - Bergen kommune - Torget 15 - gnr. 166 bnr. 460 - Scruffy Murphy - Torget drift 15 AS

Forslag til vedtak

1. Klage frå Advokatfirmaet Harris v/advokat Nergaard over Infrastruktur og veg forvaltning og utgreiing Bergensområdet sitt vedtak av 29.05.2020, leige av offentlig areal til uteservering, Torget 15/Scruffy Murphy, gnr. 166 bnr. 460 langs fv. 577, vert ikkje teken til følgje.

Samandrag

Saka gjeld leige av fortausareal langs fv. 577 til uteservering for sesongen 2020. Restauranten Scruffy Murphy/Torget Drift 15 AS, heretter kalla Scruffy Murphy, har den 20.03.2020 søkt om leige av offentlig areal til uteservering. Det vart søkt om areal til uteservering som kan delast opp i to areal som er rektangulere og som heng saman. Det fyrste arealet er 4,1 m frå fasaden og 5 m langs fasaden. Det andre arealet er 1,5 m frå fasaden og 5 m langs fasaden. Det var søkt om eit totalt areal på 28 m². Den 29.05.2020 gjorde INV forvaltning og utgreiing Bergensområdet slikt vedtak:

«Vestland fylkeskommune samtykker for heile sesongen 2020 til utleige av fortausareal ved fv. 577 Torget langs Torget 15. Arealet som det gis samtykke til er illustrert på bilete under. Totalt leigeareal er på 24,75 m². Samtykket for dette arealet er eit enkeltvedtak etter veglova §§ 9 og 57.»

INV Forvaltning og utgreiing Bergensområdet har den 19.06.2020 motteke klage frå advokat Knut Nergaard i Advokatfirmaet Harris. Advokat Nergaard representerer eigarar av Torget nr. 3 (Felix), Torget 7 Servering AS (Metz), Torget 9 (Harbour cafe), Torget 13 (Harbour Cayo) og Torget 15 (Scruffy Murphy). Dei konkrete sakene gjeld storleiken på kor mykje offentlig areal som kan leigast ut til uteservering på fortau. Denne konkrete klagesaka gjeld Torget 15 Restaurant Drift AS/Scruffy Murphy.

Klagen er motteke innan klagefristen.

NV forvaltning og utgreiing har vurdert klagen som underinstans og har funne å oppretthalde sitt avslag i saka.

Fylkesrådmannen har vurdert klagen og rår til at klagen frå Advokatfirmaet Harris over INV Forvaltning Bergensområdet sitt vedtak av 29.05.2020 om leige av offentlig areal på Torget 15 gnr. 166 bnr. 460 - Scruffy Murphy, vert ikkje teken til følgje.

Rune Haugsdal
fylkesrådmann

Ingrid Kristine Holm Svendsen
Fylkesdirektør

Saksframlegget er godkjent elektronisk og har difor inga handskriven underskrift

Vedlegg

- 1 Scruffy Murphy - Torget 15 - gnr 166 bnr 460 - Leie av offentlig areal til uteservering - Bergen kommune
- 2 Vedtak - Uteservering Scruffy Murphy - gnr. 166 bnr. 460 - Bergen kommune
- 3 Klage på uteservering - Scruffy Murhpy - gnr 166 bnr 460 - Bergen kommune
- 4 Klage på vedtak -Leige av offentlig areal til utservering - Bergen kommune - Torget 15 - gnr 166 bnr 460 - Scruffy Murphy- Torget Drift 15 AS

Vedlegg:

- 1.Søknad frå Torget 15/Scruffy Murphy, leige av offentlig areal til uteservering.
- 2.Vedtak, uteservering Scruffy Murphy, vedtak frå INV Forvaltning og utgreiing, Bergensområdet, 29.05.2020.
3. Klage på vedtak, frå Advokatfirmaet Harris AS, motteke 19.06.2020.
4. Oversending av klage, frå fylkesdirektør infrastruktur og veg.

Saksutgreiing



Bakgrunn for saka

Scruffy Murphy leigde i året 2019 24,75 m² til uteservering. Dette arealet var noko annleis enn det som det vart gjeve vedtak til i 2020. For året 2020 var det søkt om eit areal på totalt 28m² til uteservering. Den 29.05.2020 vart det fatta vedtak om totalt 24,75 m² som offentleg areal til leige. (Vedlegg 2) Vedtaket vart påklaga av Advokatfirmaet Harris AS den 19.06.2020. (Vedlegg 3).

Vestland Fylkeskommune må godkjenne bruk av areal til uteservering både som grunneigar og som vegstyresmakt. Bergen kommune har eigne retningslinjer for uteservering på offentleg grunn i Bergen sentrum.

I 2019 skreiv Statens vegvesen dette «I uteserveringssakene som gjelder Torget 3 (Felix), Torget 7 (Metz Sportsbar), Torget 9 (Harbour café), Torget 13 (Zupperia), Torget 15 (Scruffy Murphys) og Vetrilidsallmenningen 2 (Egon Kjøttbasaren), kan det med bakgrunn i den nye trafikale vurderingen for strekningen langs Torget ikke inngås tilsvarende leieavtaler som i 2018.»

Sjå kart nedanfor frå INV forvaltning og utgreiing:



Figuren viser ein illustrasjon av vedtatt leigeareal.

Det går fram av saka at: «I Torget har Vestland fylkeskommune lagt til grunn at ferdselssona på fortauet skal vere 4 m sidan det er svært høg ferdsel på fortauet. Dette er også grunnleggjande i at arealet skal samsvare med føresegn § 6.3 for kommunedelplan for sentrum som krev minimum 3

m fri fotgjengarbredde. Vurderingstemaet er gjort i samarbeid med plan- og bygningsetaten som har vurdert saka etter kommunedelplan sentrum, § 6.3.»

Søknader om leige av fortausareal langs fylkesveg har tidlegare blitt handsama av Statens vegvesen i samarbeid med Bergen kommune, Bymiljøetaten. I saka vert det vist til brev frå Vestland fylkeskommune dagsett 18.03.2020 med informasjon om at fylkeskommunen overtar handsaminga av desse søknadene.

Advokatfirmaet Harris sette fram krav om at klagen måtte gjevast oppsetjande verknad, Jfr. Fvl. § 42. Oppsetjande verknad vart vurdert av INV forvaltning og utgreiing den 03.09.2020. Klagen vart ikkje gjeve oppsetjande verknad.

Frå møte i fylkesutvalet i Vestland fylkeskommune den 18.06.2020:

SI 15/20 Spørsmål frå Søviknes - Næringsvennlig holdning til restaurantnæringen - uteservering i Bergen Sentrum

Spørsmål Terje Søviknes (FRP) -Næringsvennlig holdning til restaurantnæringen - uteservering i Bergen Sentrum

Spørsmål 1:

Vil fylkesordføreren ta initiativ til en reell klagebehandling med synfaring langs FV 585 for å sikre at begge hensyn blir ivarettatt? (Fv. 585 sluttar ca. ved Xhibition/Småstrandgaten fortsetter derfra via Torget fv.577.)

Svar frå fylkesrådmannen:

I all klagebehandling legg fylkesrådmannen forvaltningslova til grunn, og skal behandle klagen på vårt vedtak etter veglova. Det er plan- og bygningslova (pbl) som er førande for arealbruken. Eit veglovsvedtak kan ikkje strekke seg lenger enn det kommunedelplan for sentrum med føresegnar opnar opp for. Då er saka ei dispensasjonssak etter pbl som kommunen må behandle.

Spørsmål 2:

Vil fylkesordfører før 2021-sesongen ta initiativ til en dialog mellom fylkeskommunen og grunneierne/restauranteierne på Torget slik at vi kan få optimalisert bruken av arealet, skape forutsigbarhet og dermed muliggjøre en oppgradering av området i regi grunneierne?

Svar frå fylkesrådmannen:

Fylkesrådmannen legg opp til at vi skal ha ein ny gjennomgang av areala for uteservering før neste sesong. Fylkesrådmannen vil gjere dette i samarbeid med Bergen kommune, plan og bygningsetaten og bymiljøetaten. Kva dialog Vestland fylkeskommune skal ha med grunneigarane/restauranteigarane på Torget er førebels ikkje avklart. I gjennomgangen vil fylkesrådmannen òg ha dialog med kommunalt og fylkeskommunalt råd for menneske med nedsett funksjonsevne.

I slike sentrale område må Vestland fylkeskommune som vegstyresmakt legge vekt på at fortausareal er vegareal som skal nyttast av mjuke trafikantar. Uteservering er eit unnatak som må handsamast etter veglova. I sentrale delar av Bergen sentrum er framkomst for mjuke trafikantar prioritert.

Rettsleg grunnlag

Det går fram av forvaltningslova § 28 1. og 2. ledd, vedtak som kan påklagast, klageinstans:

«Enkeltvedtak kan påklages av en part eller annen med rettslig klageinteresse i saken til det forvaltningsorgan (klageinstansen) som er nærmest overordnet det forvaltningsorgan som har truffet vedtaket (underinstansen).

For enkeltvedtak som er truffet av forvaltningsorgan opprettet i medhold av lov om kommuner og fylkeskommuner, er klageinstansen kommunestyret eller fylkestinget, eller etter disses bestemmelse, formannskapet eller fylkesutvalet eller en eller fleire særskilte klagenemnder oppnevnt av kommunestyret eller fylkestinget. For enkeltvedtak som er truffet av egne rettssubjekt som har fått overført myndighet fra kommunen eller fylkeskommunen, er klageinstansen en eller fleire særskilte klagenemnder som er oppnevnt av det øverste organet i rettssubjektet. Departementet er likevel klageinstans når vedtak er truffet av kommunestyret eller fylkestinget eller av det øverste organet i eget rettssubjekt som har fått overført myndighet fra kommunen eller

fylkeskommunen. Vedkommende statlige organ er klageinstans når vedtak er truffet i henhold til myndighet delegert fra et statlig forvaltningsorgan.»

Forvaltningslova § 34 (Klageinstansen kompetanse) 1. ledd og 2. ledd, 1. og 2. pkt lyder:

«Dersom vilkårene for å behandle klagen ikke foreligger, skal klageinstansen avvise saken, jfr. dog § 31. Klageinstansen er ikke bundet av at underinstansen har ansett vilkårene for å foreligge.

Tas klagen under behandling, kan klageinstansen prøve alle sider av saken og herunder ta hensyn til nye omstendigheter. Den skal vurdere de synspunkter som klageren kommer med, og kan også ta opp forhold som ikke er berørt av ham.»

Det går fram av veglova § 1 a at:

«Formålet med denne lova er å tryggje planlegging, bygging, vedlikehald og drift av offentlege og private vegar, slik at trafikken på dei kan gå på eit vis som trafikantane og samfunnet til ei kvar tid kan vere tente med. Det er ei overordna målsetting for vegstyremaktene å skape størst mogleg trygg og god avvikling av trafikken og ta omsyn til grannane, eit godt miljø og andre samfunnsinteresser elles.»

Veglova § 9 2. ledd lyder:

«Vegstyremakt for fylkesvegar er fylkeskommunen. Fylkeskommunen kan delegere styremakt til Statens vegvesen og kommunen.»

Leige av fortausareal er både omfatta av reglane om eigedomsrett og av veglova § 57. 2 ledd, 2 punkt.

Veglova § 57 1. og 2. ledd seier:

«Det er forbode å skade offentlig veg eller å skade eller ta bort innretning som høyrer til offentlig veg.

På eigedomsområdet til offentlig veg er det forbode utan løyve frå vegstyremakta

- 1) å grave, sprengje, ta bort masser, hogge tre eller gjere anna inngrep,
- 2) å sette reklameinnretning eller anna innretning, å legge tømmer, ved, stein, torv, byggemateriale eller anna på annan stad enn der det er laga særskilt offentlig opplagsplass til slik bruk,
- 3) å kaste eller legge søppel, ugras e.l. eller å leide kloakkvann eller dreisvann.»

Regelen sitt føremål er knytt til trafikkfaglege omsyn. Det er klagerett på slike vedtak.

Det går fram av reglement for folkevalde organ og delegering for Vestland fylkeskommune, reglement for klagenemnda pkt. 5, klagenemnda sin kompetanse:

«Klagenemnda sin kompetanse går fram av forvaltningslova § 34. Vedtaket det vert klaga på kan avvistast, stadfestast, opphevast eller endrast på dei vilkåra som går fram av lova».

Klagen

Advokatfirmaet Harris AS har sett fram klage på vegner av Scruffy Murphy. Klagen gjeld 5 konkrete punkt. I klagen sitt punkt 2, går det fram at klagar ønskjer at det vert gjort ein synfaring av det folkevalde organ, som skal handsama saka, før vedtak vert fatta.

Klagen lyder slik kva gjeld punkt 4, «Nærmere om Scruffy Murphy sitt serveringsområde»:

«4.2. Det administrasjonen Vestland Fylkeskommune nå ønsker er en ytterligere innsnevring av serveringsarealet.

Søknaden er 28 m² - som avtalt i 2016.

Vedtaket nå 24,75 m².

Forskjellen kan virke liten, men her teller hver kvadratmeter.

4.3. Realiteten blir at ved inndragning av 3,25 m², reduseres antall sitteplasser fra 32 til 20.

4.4. Scruffy Murphy sine representanter er daglig tilstede på Torget og kan observere de samlede aktiviteter til alle døgnets tider.

Det areal man la til grunn i 2015 og 2016 er mer enn tilstrekkelig for å ivareta fotgjengere, busspassasjerer, sykler og andre myke trafikanter.

Det finnes ingen dokumentasjoner på at disse grupper har behov ytterligere areal.»

Klagen lyder slik kva gjeld punkt 5 Oppsummering:

«5.1 . Denne sak handler mest om forutsigbarhet.

Serveringsstedene forholdt seg til de «linjer» som vegvesenet trakk opp i august 2015

Man foretok investeringer med denne basis, selv om omsetningen på gateplan ble lavere de kommende år i forhold til tidligere år.

5.2. Behov for ytterligere areal til fortausformål - utover det som fremgår av kart fra 2015, er ikke dokumentert.

5.3. Serveringsstedene vil lide ved ytterligere innsnevring, slik som fremgår av vedtak av 29.05.2020. Arbeidsplasser settes i fare.

5.4. Torgets attraktivitet, et livlig gatebilde - slik vi ønsker at Torget skal fremstå - vil bli forringet.»

Det vert vist til klagen i sin helhet. (vedlegg nr.)

INV Forvaltning Bergensområdet si vurdering av klagen

INV forvaltning Bergensområdet vurderte saka på nytt då dei fekk inn klagen, og fant å oppretthalde vedtaket. Det framkom ingen nye opplysningar i saka, som talte for ein omgjerding av vedtak 29.05.2020. Klagen vart difor sendt til den fylkeskommunale klagenemnda for endeleg avgjerd.

Fylkesdirektør infrastruktur og veg (INV) si vurdering

Fylkesdirektør infrastruktur og veg har den 23.07.2020 gjeve følgjande vurdering:

«I klagen står det «Derfor inviteres det folkevalgte organ som skal behandle klagen, til en forhåndsbefering på Torget. Slik forhåndsbefering anses høyst nødvendig for at saksbehandling kommer i tråd med fvl § 17. Det er opp til dei folkevalde om dei vil på synfaring. Det er ikkje eit generelt krav om synfaring i alle saker i fvl §17. Administrasjonen kjenner området. Det er det einsskilde organ som tek avgjerd om synfaring er naudsynt for å ta avgjerd.

I klagen står det vidare «Denne saken dreier seg teknisk om veiareal, herunder til de myke trafikkantar. Og den dreier seg om hvilket gatebilde og folkeliv man ønsker på Torget. Men den dreier seg også om arbeidsplasser. Vurdering av de to siste elementer har vært fraværende i de utredninger som har kommet fra Statens vegvesen og fra administrasjonen i Vestland Fylkeskommune» «Behov for ytterligere areal til fortausformål- utover det som fremgår av kart august 2015, er ikke dokumentert»

Veglova sitt vurderingstema er det trafikkfaglege og herunder trygggleik I den grad uteservering ikkje kjem i konflikt med hovudføremålet eller andre gjeldande regelverk ønskjer vi å legge til rette for uteservering. Vi har vurdert i tråd med dette. Fortausarealet langs fylkesvegen er smalt, og det er høg ferdsel på fortauet. I tillegg er det venteareal for buss på fortauet. I Torget har Vestland fylkeskommune lagt til grunn at ferdselssona på fortauet skal være 4 m sidan det er høg ferdsel på fortauet. Dette er grunnlagt i at det resterande arealet skal samsvare med føresegn § 6.3 for kommunedelplan for sentrum som krev minimum 3 m fri fotgjengarbreidde. Vurderingane er gjort i samarbeid med plan- og bygningsetaten som har vurdert saka etter kommunedelplan sentrum, § 6.3.

Nærare om det trafikkfaglege:

I trafikkreglane § 1 er fortau i definert som anlegg for gåande som er skild frå køyrebana med kantstein. Syklende kan nytte fortau når gangtrafikken er liten og syklinga ikkje medfører fare eller er til hinder for gåande, jamfør § 18.

Erfaring og opplevingar på dei gjeldande strekningane tilseier at det er trong for meir areal til mjuke trafikantar. Kombinasjonen av innsnevra fortau, mengda mjuke trafikantar både som går

forbi eller som går av og på buss har vi sett gjev ein «kork»- liknande situasjon på fortaua på Torget og Bryggen. Mjuka trafikantar vert gåande i kø på fortaua, og vert «fanga» mellom uteserveringane og køyrevegen. På fortauet ferdast ikkje berre gåande, men og blant anna gåande med barnevogn, rullestolbrukarar, folk på sparkesyklar eller ståhjulingar, syklande, syns- og rørslehemma. Mange av bussrutene i Bergen går innom stoppa på Torget, og stoppa er mykje brukt. Ved Bryggesporden er det eit mykje nytta gangfelt, der det «hopar seg opp» mjuka trafikantar på fortaua som ventar på å krysse vege. Her er det trengt og til tider utfordrande for dei mjuka trafikantane som ikkje skal krysse vege å passere den ventande folkemengda, fordi det ikkje er meir plass på fortauet. I tillegg skal det vere plass til dei som ventar eller går av bussen på fortaua.

Med så mykje folk som det til tider er på fortaua, vert det for liten plass på og enkelte vert pressa ut i vegbana. Dette er særst uheldig og lite ynskjeleg med tanke på dei mjuka trafikantane sin tryggleik. Andre vel å gå ut i vegbana for å kome fortare fram når det vert trengt på fortauet og køen går sakte. For køyrande kan eit allereie krevjande trafikkbilete verte endå meir krevjande og uoversiktleig dersom det plutseleg kjem folk ut i vegbana på stadar der ein ikkje forventar at det skal vere mjuka trafikantar.

Rullestolbrukarar, barnevogner, personar som nyttar rullatorar og liknande treng meir plass enn gåande utan hjelpemiddel eller anna utsyr. Spesielt gjeld dette når dei skal passere andre med tilsvarande utstyr. På grunn av høgdeskilnad mellom fortau og vegbane må dei halde seg på fortauet, og har ikkje andre alternativ enn å halde seg på fortauet til dei kjem til nedsenka kantstein. Når det er mykje folk på fortaua vil det vere utfordrande å sjå kva som kjem i mot for å eventuelt vente på stadar der ein kan passere kvarandre. I utgangspunktet ynskjer vi å legge til rette for god framkomst der ein slepp å vente for å kunne passere andre.

Den 22.04.2020 fatta Bystyret i Bergen vedtak om at Bryggen og Torget skal stengast for trafikk delar av sommaren 2020. Stenginga gjeld ikkje for rutegåande buss, taxi, moped og varelevering. Samstundes skal det vere moglegheit for omkøyring via Bryggen og Torget dersom til dømes Fløyfjellstunnelen stengast. Søknad om uteservering gjeld for heile året eller for høgsesong, og ikkje berre for den perioden Bryggen og Torget er stengt i sommar. Sjølv om det som følgje av vedtaket vert mindre trafikk på Torget og Bryggen i ei kortare periode, er vege likevel ikkje heilt stengt. Fordi vegbana framleis er tiltenkt køyretøy, må ein difor òg i denne perioden ha tilstrekkeleg plass på fortaua til mjuka trafikantar.»

Fylkesdirektør for infrastruktur og veg finn ikkje grunn for å gjere om vedtaket av 29.05.2020.

Fylkesrådmannen si vurdering

INV Forvaltning og utgreiing Bergensområdet og fylkesdirektør infrastruktur og veg, har vurdert søknaden og klagen frå Scruffy Murphy med bakgrunn i mellom anna veglova § 9 og § 57, Føresegn § 6.3 i kommunedelplan for sentrum samt Bergen kommune sine retningslinjer for uteservering på offentleg grunn punkt. 8.

Det skal for ordens skuld nemnast at Fylkeskommunen er grunneigar, og klagar har ikkje rettskrav på å få leige meir areal enn det som grunneigar tilbyr.

Det går fram av klagen at behov for ytterlegare behov for meir areal til fortau, er ikkje dokumentert. Ein vil kort vise til fylkeskommunen ikkje har plikt til å dokumentera behov for areal til fortausareal. Dette er feil lovtolkning. Fylkeskommunen vil leggje rette for meir areal til mjuka trafikantar. Det er vår faglege og forvaltningsmessige vurdering. Fylkesrådmannen vil her vise til Bergen kommune sine retningslinjer for uteservering på offentleg grunn. Her går det mellom anna fram at avtale om utleie av offentleg grunn kan inngås der mellom anna overordna krav til fotgjengarbreidde er ivareteke. (pkt. 2) .

I pkt. 4 går det fram at uteserveringa skal og framstå som så open som mogeleg og tilpassast gate- og plassmiljø (pkt. 4). Punkt 8 gjeld krav til fri gangpassasje. Her går det fram at: *«Serveringsareal på fortau skal ikke være bredere enn at det skal være minimum 3 meter fri og sammenhengende gangpassasje. På fortau med stor/overordnet ferdsel av fotgjengere og/eller syklistar, kan kravet til fri gangpassasje overgå 3 meter. Uttalelser fra vegmyndighetene vil bli tillagt stor vekt i den enkelte sak. Uteservering skal ikke vanskeliggjøre fremkommeligheten til syns- og bevegelseshemmede».*

Klager skriv i klaga at serveringsstadene vil lide ved ein eventuell ytterlegare innsnevring, slik som i vedtak av 29.05.2020. Det vert peika på at arbeidsplassar vert sett i fare. Fylkesrådmannen vil her peika på at ein her må prioritera omsynet til ferdsle på fortauet, framfor omsynet til uteservering og eventuell dårleg økonomi.

Fortaua si overordna funksjon i byen er å vere ei ferdselsåre. Framover i tida skal endå fleire gå, og ein skal leggje til rette for å at det skal vere attraktivt å gå for alle. Fylkesrådmannen legg vekt på at fortauet langs Torget 15/Scruffy Murphy,) langs fv. 577 Torget, er eit av dei mest trafikkerte i Bergen, noko som kan tale for minimum 3 meter fotgjengarbreidde. Fortauet langs Scruffy Murphy og bortetter langs med Torget nr. 3, nr. 7 og nr. 9 mellom anna, er ei viktig kobling mellom sentrum/Bryggen og store bustadområder mot Sandviken, der det er mykje trafikk, to busshaldeplassar og inngår som ein viktig del av gangtilbodet i sentrum. Fylkesrådmannen vil også vise til at fortauet langs med Torget 15, også vert nytta av syklistar. Det er ikkje eiga tilbod for syklistar i form av sykkelveg eller sykkelfelt. Det var søkt om eit areal til uteservering som kan delast opp i to areal som er rektangulære og som heng saman. Det fyrste arealet er 4,1 m frå fasaden og 5 m langs fasaden. Det andre arealet er 1,5 m frå fasaden og 5m langs fasaden. Det vart gjeve løyve til leige av 24,75 areal for sesongen 2020.

Slik fylkesrådmannen vurderer det, har ein her behov for arealet på fortauet til gåande og syklende. Fylkesrådmannen legg og vekt på at ein utvida bruk av fortausarealet til uteservering kan kome i konflikt med målsetjingane om universell utforming og tilrettelegging.

Ved handsaminga av denne klagesaka har ein frå administrasjonen vore på staden og vurdert fortausarealet den 05.11.2020. Det var mykje folk på fortauet, både av gåande og av syklende. Det var trengt om plassen. Nokon gangar var det vanskeleg å pasere andre på fortauet. Fortaua si overordna funksjon i byen er å vere ei ferdselsåre. Framover skal endå fleire menneske gå på fortauet, og ein skal leggje til rette for at det skal vere attraktivt å gå for alle. Framover skal mange fotgjengarar gå på fortaua, og busshaldeplassane som ligg i tilknytning til dei, mot Torget 3. Fylkesrådmannen finn her at ein må prioritera omsynet til ferdsle på fortaua framfor omsynet til uteservering. Naudsynt areal på fortaua kan ikkje leigast bort til andre føremål.

Fylkesrådmannen finn på denne bakgrunn å rå til at klage frå Advokatfirmaet Harris v/advokat Nergaard over INV forvaltning og utgreiing sitt vedtak av 29.05.2020, leige av offentleg areala til uteservering langs Torget 15/Scruffy Murphy gnr. 166 bnr. 460, langs fv 577, ikkje vert teken til følgje.

Vedtakskompetanse

Klagenemnda. Det vert vist til Reglement for klagenemnda punkt 2 «Oppgaver».

Vurderingar og verknader

Økonomi: Ikkje relevant.

Klima: Ikkje relevant.

Folkehelse: Ikkje relevant.

Regional planstrategi: Ikkje relevant.

Konklusjon

Klagen vert ikkje teken til følgje